


請觀世音菩薩消伏毒害陀羅尼呪經

東晉天竺居士竺難提譯

佛說十一面觀世音神呪經

宇文周世天竺三藏耶舍崛多等譯





清刻龍藏佛說法變相圖

二經同卷

能七

請觀世音菩薩消伏毒害陀羅尼呪經
佛說十一面觀世音神呪經

請觀世音菩薩消伏毒害陀羅尼呪經

卷七
東晉天竺居士竺難提譯

如是我聞一時佛住毗舍離菴羅樹園大林
精舍重閣講堂與千二百五十比丘皆是阿
羅漢諸漏已盡不受後有如鍊真金身心澄
靜六通無礙其名曰大智舍利弗摩訶目犍
連摩訶迦葉摩訶迦旃延須菩提阿彌樓駁
劫賓那憍梵波提畢陵伽婆蹉薄拘羅難陀
阿難陀羅睺羅如是等衆所知識常爲天龍
八部所敬復有菩薩摩訶薩二萬人俱大智

本行皆悉成就調伏諸根滿足六度具佛威儀心大如海其名曰文殊師利童子寶月童子月光童子寶積童子日藏童子跋陀婆羅菩薩與其同類十六人俱彌勒菩薩如是等菩薩摩訶薩二萬人爾時世尊與四衆天龍八部人非人等恭敬圍繞時毗舍離國一切人民遇大惡病一者眼赤如血二者兩耳出血三者鼻中流血四者舌噤無聲五者所食之物化爲麤澀六識閉塞猶如醉人有五夜叉名訖拏迦邏面黑如墨而有五眼狗牙上出吸人精氣時毗舍離大城之中有一長者名曰月蓋與其同類五百長者俱詣佛所到佛所已頭面作禮却住一面白佛言世尊此國人民遇大惡病良醫者波盡其道術所不能救唯願世尊慈愍一切救濟病苦令得無

患爾時世尊告長者言去此不遠正立西方有佛世尊名無量壽彼有菩薩名觀世音及大勢至恒以大悲憐愍一切救濟苦厄汝今應當五體投地向彼作禮燒香散華繫念數息令心不散經十念頃爲衆生故當請彼佛及二菩薩說是語時於佛光中得見西方無量壽佛并二菩薩如來神力佛及菩薩俱到此國往毗舍離住城門闥佛二菩薩與諸大衆放大光明照毗舍離皆作金色爾時毗舍離人即具楊枝淨水授與觀世音菩薩大悲

觀世音憐愍救護一切衆生故而說呪曰普教一切衆生而作是言汝等今者應當一心稱南無佛南無法南無僧南無觀世音菩薩摩訶薩大悲大名稱救護苦厄者如此三稱三寶三稱觀世音菩薩名燒衆名香五體投

地向於西方一心一意令氣息定爲免苦厄
請觀世音菩薩合十指掌而說偈言

願救我苦厄 大悲覆一切 普放淨光明
滅除癡暗冥 爲免毒害苦 煩惱及衆病
必來至我所 施我大安樂 我今稽首禮

聞名救厄者 我今自歸依 世間慈悲父

唯願必定來 免我三毒苦 施我今世樂
及與大涅槃

白佛言世尊如是神呪畢定吉祥乃是過去
現在未來十方諸佛大慈大悲陀羅尼印聞
能七此呪者衆苦永盡常得安樂遠離八難得念
佛定現前見佛我今當說十方諸佛教護衆
生神呪

多哪吒鳴呼膩 摸呼膩 闡婆膩 耷婆
膩 安茶誓 般茶誓 首埤帝 般般茶

羅囉婆私膩多姪牠 伊梨 寂梨 鞭首
梨迦婆梨 佞性端耆旃陀梨 摩蹬耆
勒叉勒又薩婆薩埵 薩婆婆耶哩婆訶多
荼叱 伽帝伽帝膩伽帝 修留毗修留毗
勒叉勒又 薩婆薩埵 薩婆婆耶哩 婆

訶

白佛言世尊如此神呪乃是十方三世無量
諸佛之所宣說誦持此呪者常爲諸佛諸大
菩薩之所護持免離怖畏刀杖毒害及與疾
病今得無患說是語時毗舍離人平復如本
爾時世尊憐愍衆生覆護一切重請觀世音
菩薩說消伏毒害呪爾時觀世音菩薩大悲
熏心承佛神力而說破惡業障消伏毒害陀

羅尼呪

南無佛陀 南無達磨 南無僧伽 南無

觀世音 苦提薩埵 摩訶薩埵 大慈大
悲 唯願愍我 救護苦惱 亦救一切
怖畏衆生 令得大護 多姪七陀 呵 脍
摸呼膩 閻婆膩 舫婆膩 摸呼膩
呼脂 分茶梨 般茶梨 輸鞞帝 般茶
囉 婆私膩 休樓休樓 分茶梨 坊樓
坊樓 般茶梨 周樓周樓 脍般茶梨豆
富豆富 般茶囉 婆私膩 知墀 跡徐
切墀膩跡墀 薩婆阿婆耶鵠多薩婆恒婆
娑陀伽阿婆耶卑離陀閉殿婆訶

持觀世音菩薩名誦念消伏毒害陀羅尼行
此呪者身當無患心亦無病設使大火從四
面來焚燒已身誦持此呪故龍王降雨即得
解脫設火焚身節節疼痛一心稱觀世音菩
薩名號三誦此呪即得除愈設復穀貴饑饉
王難惡獸盜賊迷於道路牢獄繫閉杻械枷
鎖被五繫縛入於大海黑風迴波水色之山
夜叉羅刹之難毒藥刀劍臨當刑戮過去業
緣現造衆惡以是因緣受一切苦極大怖畏
應當一心稱觀世音菩薩名號并誦此呪一
遍至七遍消伏毒害惡業惡行不善惡聚如
火燒薪永盡無餘以是因緣誦此觀世音菩
薩所說神呪名施一切衆生甘露妙藥得無
病畏不橫死畏不被繫縛畏貪欲瞋恚愚癡
業障現前見佛佛告阿難若有四部弟子受

三

能

五

藏

爲施無畏者此陀羅尼灌頂章句無上梵行
畢定吉祥大功德海衆生聞者獲大善利應
當暗誦若欲誦之應當持齋不飲酒不敢肉
以灰塗身澡浴清淨不食與渠五辛能葷悉
不食之婦人穢汙皆悉不往常念十方佛及
七佛世尊一心稱觀世音菩薩誦持此呪現
身得見觀世音菩薩一切善願皆得成就後
生佛前長與苦別佛告阿難王舍大城有一
女人惡鬼所持名旃陀利彼鬼晝夜作丈夫
形來燒此女鬼精著身生五百鬼子汝憶是
事不我於爾時教此女人稱觀世音菩薩善
心相續入善境界阿難當知如此菩薩威神
之力惡鬼消伏得見我身無比色像我於爾
時一一毛孔出寶蓮華無數化佛異口同音
稱讚大悲施無畏者今女受持讀誦通利此

呪功德三障永盡免三界獄火不受衆苦四
百四病一時不起設有衆生入陣鬪戰臨當
被害誦念此呪稱於大悲觀世音菩薩名如
鷹隼飛即得解脫若有衆生受大苦惱閉在
囹圄杻械枷鎖及諸刑罰一日乃至十日一

月乃至五月應當淨心繫念一處稱觀世音
菩薩歸依三寶三稱我名誦大吉祥六字章
句救苦神呪

多姪馳 安陀誓 般茶誓 枳由誓 檀
陀誓 罷陀誓 底耶婆陀 耶賒婆陀
頗羅膩祇 毗質雌 難多誓 婆伽誓
阿盧補 薄鳩誓 摩鳩隸 捄毗隸婆訶
爾時世尊說是神呪已告阿難言若善男子
善女人四部弟子得聞觀世音菩薩名號并
受持讀誦六字章句若行曠野迷失道徑誦

此呪故觀世音菩薩大悲熏心化爲人像示其道路令得安隱若當飢渴化作泉井果蓏飲食令得飽滿設復有人遇大禍對亡失國土妻子財產與怨憎會稱觀世音菩薩名號誦念此呪數息繫念無分散意經七七日時大悲者化爲天像及作大力鬼神王像接還本土令得安樂若復有人入海採寶空山曠野逢值虎狼師子毒蟲蝮蛇夜叉羅刹拘槃荼及諸惡鬼噉精氣者三稱觀世音菩薩名號及誦此呪即得解脫若有婦人生產難者臨當命終三稱觀世音菩薩名號并誦此呪即得解脫若遇大惡賊盜其財物三稱觀世音菩薩名號誦持此呪賊即慈心復道而去阿難當知如此菩薩及是神呪畢定吉祥常能消伏一切毒害真實不虛普施三界一切

衆生今無怖畏作大救護今世受樂後世生處見佛聞法速得解脫此呪威神巍巍無量能令衆生免地獄苦餓鬼苦畜生苦阿修羅苦及八難苦如水滅火永盡無餘阿難當知若有受持觀世音菩薩名號并持此呪獲大善利消伏毒害今世後世不吉祥事永盡無餘持戒精進念定總持皆悉具足阿難當知若有聞此六字章句救苦醫王無上神呪稱觀世音菩薩大悲名字罪垢消除即於現身得見八十億諸佛皆來授手爲說大悲施無畏者功德神力并六字章句以見佛故即得無忘旋陀羅尼爾時世尊而說偈言

大悲大名稱 吉祥安樂人 恒說吉祥句
救濟極苦者 衆生若聞名 離苦得解脫
亦遊戲地獄 大悲代受苦 或處畜生中

化作畜生形 教以大智慧 令發無上心
或處阿修羅 輓言調伏心 令除憍慢習
疾至無爲岸 現身作餓鬼 手出香色乳
飢渴逼切者 施令得飽滿 大慈大悲心
遊戲於五道 恒以善集慧 無上勝方便
普教一切衆 令離生死苦 常得安樂處
到大涅槃岸

爾時世尊說是語已告阿難言是六字章句
畢定吉祥真實不虛若有聞者獲大善利得
無量功德說是語已王舍大城有一比丘名
優波斯那精進勇猛勤行難行苦行如救頭
然在寒林中與無央數大衆圍繞自說往昔
作諸惡行殺生無量聞觀世音菩薩六字章
句正念思惟觀心心脉繫念一處見觀世音
菩薩即得解脫成阿羅漢云何當得見觀世

音菩薩及十方佛若欲得見端身正心使心
不動心氣相續以左手置右手^上舉舌向齶
令息調勻使氣不麤不散安詳徐數從一至
十成就息念無分散意使氣不麤亦不外向
不澀不滑如嬰兒飲乳吸氣喉之不青不白
調和得中從於心端四十脈下取一中脉今
氣從中安隱得至十四脉中從大脉出至於
舌下復從舌脉出至於舌端不青不白不黃
不黑如瑠璃器正長八寸至於鼻端還入心
根令心明淨佛告諸比丘此大精進勇猛寶
幢六字章句消伏毒害大悲功德觀世音菩
薩以此數息心定力故如駛水流疾疾得見
觀世音菩薩及十方佛佛告諸比丘汝等善
聽欲服甘露無上法味若諸比丘已得出家
當自攝身不壞威儀端坐正受無外向意觀

於苦空無常敗壞不久磨滅修五門禪當自觀身從頭至足一一節間皆令繫念停住不散諦觀衆節如芭蕉樹內外俱空當知色受想行識亦復如是佛說是語時尊者舍利弗在寒林中還坐樹下已解佛意端坐正受入

于三昧身真金色今無數人見者歡喜發菩提心時優波斯那即從座起至尊者舍利弗所頭面著地接足作禮白言尊者向者如來讚歎數息以是因緣獲大善利云何數息唯願尊者爲我解說眼眼識與色相應云何攝住耳耳識與聲相應云何攝住鼻鼻識與香相應云何攝住舌舌識與味相應云何攝住意意識與攀緣相應云何攝住諸顛倒想與顛倒相應云何攝住色香味觸與細滑相應云何攝住而此識誠如猿猴走遊戲六根

遍緣諸法云何攝住時舍利弗告優波斯那汝今當觀地大地無堅性水大水性不住風大風性無礙從顛倒有火大火性不實假因緣生色受想行識一一性相同於水火風等皆悉入於如實之際時優波斯那聞是語已

身如水火得四大定通達五陰空無所有殺諸結賊豁然意解得阿羅漢身中出火即自碎身入般涅槃時舍利弗收其舍利於上起塔已爲佛作禮白佛言世尊佛說禪定第一甘露無上法味若有服者身如琉璃毛孔見佛觀無明行乃至老死一一性相皆悉不實如空谷響如芭蕉樹無有堅實如熟時焰如野馬行如捷闡婆城如水上泡如幻如化如露如電一一諦觀十二因緣成緣覺道或入寂定瑠璃三昧見佛無數發無上心修童真

行住不退轉佛告舍利弗如優波斯那聞我說是大悲章句數息定法破無數億劫洞然之惡成阿羅漢具戒定慧解脫知見身出水火碎身滅度令無數人發大善心舍利弗當知若善男子善女人聞觀世音菩薩大悲名號及消伏毒害六字章句數息繫念淨行之法除無數劫所造惡業破惡業障現見無量無邊諸佛聞說妙法隨意無礙發三種清淨三菩提心若有宿世罪業因緣及現所造極重惡行夢中得見觀世音菩薩如大猛風吹於重雲皆悉四散得離重罪惡業生諸佛前佛說是語已告舍利弗我今爲此受持觀世音菩薩名號消伏毒害無上章句說偈讚歎我勑提頭賴吒等慈心擁護受持經令聞大悲名號人譬如天子法臣護

我勑海龍伊鉢羅 慈心擁護受持經
如護眼目愛己子 畫夜六時不遠離
我勑閻婆羅刹子 無數毒龍及龍女
慈心擁護持經者 如愛頂腦不敢觸
我勑毗留勒迦王 慈心擁護受持經
如母愛子心無厭 畫夜擁護行住俱
我勑難陀跋難陀 婆伽羅王優波陀
慈心擁護持經者 恭敬供養接足禮
譬如諸天奉帝釋 亦如孝子敬父母
猶如貧人護財寶 如盲須眼及正導
我勑一切諸鬼神 小龍毒蛇毒害獸
一切惡人惡口者 違逆此呪起不善
現身白癩膿血流 後墮地獄長夜苦
是故應當慈心護 受持讀誦灌頂句
地獄清淨如蓮華 餓鬼破碎無八難

後生佛前入三昧 畢定當得不退轉
普施一切大安樂 教諸衆生修十地
我從過去無數佛 聞是消伏毒害咒
消除三障無諸惡 五眼具足成菩提
永與三界作父母 施其安樂得止息
若有聞我名號者 亦聞大悲觀世音
誦持此咒離諸惡 不墮地獄及畜生
蓮華化生爲父母 心淨柔軟無塵垢
必聞無上大慧明 心定如地不可動
一切佛出世 明照如日月 身出大智光
如燒紫金山 三十二相中 流出八十好
譬如須彌山 映顯于大海 衆生聞名者
永離三惡道 得住無爲處 當樂大涅槃
一切佛興世 安樂衆生故 異口各各身
端坐金剛座 口出五色光 蓮華葉形舌

龍七

十一

讚歎大悲者 調御師子法 護世觀世音
畢定消毒害 淨於三毒根 成佛道無疑
爾時世尊說此偈已爲受持觀世音菩薩名
者擁護此經故說灌頂吉祥陀羅尼
多姪唚 鳥耽毗囉 坎耽毗囉 航埤 波

遷 航埤 捺吒 修捺吒 枳跋吒 牟
那耶 三摩耶 檀提 腸羅枳尸 婆羅
鳩卑 鳥誓 懷瞿誓 婆訶

佛告舍利弗如此灌頂陀羅尼章句畢定吉
祥若有見聞受持讀誦破惡業障終不橫死
舍利弗白佛言世尊如此神呪大吉祥句普
施一切無所怖畏世尊往昔從何佛所得聞
此句唯願世尊分別解說使未來世普得聞
知獲大安樂免離橫死刀杖毒藥水火盜賊
佛告舍利弗我從過去無量佛所得聞此句

受持讀誦即得超越八十萬劫生死之罪又
念過去八十萬劫有佛世尊名一切世間勝

能七

十號具足彼佛世尊爲我演說如上章句我

即數息使心不敢霍然意解消伏結使得無
生法忍住首楞嚴三昧若善男子善女人得

聞此經受持讀誦書寫解說即得超越無量

無數阿僧祇劫生死之罪消伏毒害不與禍

對佛說是語時五百長者子得無生法忍無

數人天發阿耨多羅三藐三菩提心舍利弗

阿難等白佛言世尊此觀佛三昧海請觀世

音菩薩消伏毒害陀羅尼所至到處一切吉

祥如梵天王衆所愛敬佛告阿難如是如是

如汝所說若善男子善女人得聞此經首題

名字常得見佛及諸菩薩具足善根生淨佛

國說此品時八十億天子天女及龍鬼神皆

悉歡喜發菩提心舍利弗阿難等聞佛所說
禮佛而退

請觀世音菩薩消伏毒害陀羅尼呪經

能七

十三